

't Papier...

Va papier kènt veul aafhange,
doa wiert deks neet bie jstijl gesjtange.
Kiek mer èns good om dich bie,
zoeë lang este rondj löps hie.
Wie ene roeë vaam löpt 't doeër 't laeve,
biste diene gees höbs gegaeve.
Zonger papier kènt bienoa gene,
plezeer vuur d'r angere, werk vuur d'r ene.
Biej trowwe kömt 't draan te pas,
ooch wenste d'r genug va bas.
Winkelwaar in een groeëte tuut gepak,
betaald mit geldj va papier gemak.
Wieerd urges ee kiendje verwach,
papiere luiers zint kloar gelag.
Moste sjnoeeve of zus te get blood,
ooch es tessjeplak is 't good.
De kuuëkerol vuur es ge mis geet,
d'r zonger kènste bienoa neet.
Deeste kaarte in de vrieje tied,
da bèste zoeë ee urke kwiet.
Damme of ee anger sjpel,
gebuurt op papier, mer waal get hel.
En de gezet bezurjd hil veul luuj,
aldaag laesplezeer op nuuj.
Wae geer friemele deet in de boet,
kènt mit papier hieël good vuuroet.
Knippe, plekke of vouwe,
mit alle kluure en ooch blauwe,
of maak ene sjoeëne akwarèl,
weer op ee papiere vel.
Beuk, die kènt gier zieëker en vas,
bie j de meeste luuj in de bookekas.
't Daagbook, ooze beste vrundj,
zaet os wat 't van alles vundj.
Ooch, dat oane papier d'r bie,
bienoa gee laeve meugelik is hiej.

Bèngelder, Frien Theunissen